

**ՀԱՇՎԵՏՎՈՒԹՅՈՒՆ**  
**2019թ. ԱՊՐԻԼԻ 14-ԻՑ 16-Ը ՌՈՒՍԱՍՏԱՆԻ ԴԱՇՆՈՒԹՅՈՒՆ ԳՈՐԾՈՒՂՄԱՆ**  
**ԱՐԴՅՈՒՆՔՆԵՐԻ ՄԱՍԻՆ**

**1. ԱՆՈՒՆԸ, ԱԶԳԱՆՈՒՆԸ**

Հակոբ Վարդանյան

**2. ԶԲԱՂԵՑՐԱԾ ՊԱՇՏՈՆԸ**

ՀՀ էներգետիկ ենթակառուցվածքների և բնական պաշարների նախարարի տեղակալ

**3. ԳՈՐԾՈՒՂՄԱՆ ՎԱՅՐԸ/ԺԱՄԿԵՏՆԵՐԸ**

Ռուսաստանի Դաշնություն (Սոչի), 2019թ. ապրիլի 14-ից 16-ը

**4. ՀՐԱՎԻՐՈՂ ԿՈՂՄԸ**

Ռուսական «Ռոսատոմ» ատոմային էներգիայի պետական կորպորացիա

**5. ԳՈՐԾՈՒՂՄԱՆ ՆՊԱՏԱԿԸ (ԱՇԽԱՏԱՆՔԱՅԻՆ ՈՐ ԽՆԴՐԻ ԼՈՒԾՄԱՆ ՀԱՄԱՐ ԷՐ ՆԱԽԱՏԵՍՎԱԾ ԳՈՐԾՈՒՂՈՒՄԸ).**

Մասնակցել «ԱՏՈՄԷՔՍՊՈՆ 2019» միջազգային համաժողովին

**6. ՔՆՆԱՐԿՎԱԾ ԹԵՄԱՆԵՐԸ**

Քննարկվեցին՝ ՀՀ-ում ատոմային էներգետիկայի զարգացման հեռանկարները: «Ռոսատոմ»-ի հետ համագործակցության ընթացքը և հեռանկարները: Քննարկվեցին ՌԴ-ի աջակցությամբ իրականացվող «Հայկական» ԱԷԿ-ի 2-րդ էներգաբլոկի շահագործման նախագծային ժամկետի երկարացման ծրագրի շրջանակներում ենթավարկի տրամադրում «Հայկական» ԱԷԿ-ի ՓԲԸ-ին վարկային ծրագրի ընթացքը, միջկառավարական համաձայնագրի (ՄՈՒՄ) ժամկետի երկարացման հարցեր, առկա խնդիրներ: Նաև՝ «Ռոսատոմ»-ի կողմից վճարվելիք ԱԱՀ-ի հետ կապված հարցեր և 2019թ. պլանավորված կանխարգելիչ սպասարկման (ՈՍՍ) ընթացքի աշխատանքային ծավալները:

**7. ՀԱՆԴԻՊՈՒՄՆԵՐԸ, ԵԼՈՒՅԹՆԵՐԸ, ԲԱՐՁՐԱՑՎԱԾ ԿԱՄ ՔՆՆԱՐԿՎԱԾ ՀԱՐՑԵՐԸ**

Հանդիպումներ տեղի ունեցան «Ռոսատոմ» կորպորացիայի գլխավոր տնօրեն Ալեքսեյ Լիխաչովի, գլխավոր տնօրենի առաջին տեղակալ - զարգացման և միջազգային բիզնեսի գծով տնօրեն Կիրիլ Կոմարովի հետ:

Տեղի ունեցան հանդիպումներ «Skoda» ընկերության ներկայացուցիչների հետ, որոնց ընթացքում քննարկվել են ընկերության՝ վարկային ծրագրի աշխատանքներին մասնակցության հնարավորությունները:

Տեղի ունեցան հանդիպումներ ծրագրի իրականացնող գործընկեր ընկերությունների ներկայացուցիչների, ոլորտի այլ միջազգային կազմակերպությունների ներկայացուցիչների հետ:

8. ՀԱՆԴԻՊՄԱՆ ԿԱՄ ՀԱՎԱՔԻ ԺԱՄԱՆԱԿ ԸՆԴՈՒՆՎԱԾ ՈՐՈՇՈՒՄՆԵՐԸ, ՊԱՅՄԱՆԱՎՈՐՎԱԾՈՒԹՅՈՒՆՆԵՐԸ, ՍՏՈՐԱԳՐՎԱԾ ՓԱՍՏԱԹՂԹԵՐԸ

Միջկառավարական համաձայնագրի մասով ձեռք է բերվել պայմանավորվածություն ՀՀ կառավարության կողմից ՌԴ կառավարությանը ներկայացնել նամակի նախագիծ համաձայնագրի ժամկետի երկարացման առաջարկով՝ կցելով եռակողմ համաձայնեցված վերջնական ծրագիր՝ մնացորդային աշխատանքների պլան-ժամանակացույցը: ԱԱՀ-ի մասով՝ մինչև 2019թ. ապրիլի վերջ հաստատել ռուսական կողմի վճարվելիք ԱԱՀ-ի վերաբերյալ հայկական կողմի դիրքորոշումը, խնդիրները:

9. ԱՌԱՋԱՐԿՈՒԹՅՈՒՆՆԵՐԸ, ԴՐԱՆՑ ԸՆԹԱՑՔ ՏԱԼՈՒ ՎԵՐԱԲԵՐՅԱԼ ԱՌԱՋԱՐԿՆԵՐԸ՝ ԵՂԱՆԱԿԸ, ՁԵՎԸ, ԺԱՄԿԵՏՆԵՐԸ, ՊԱՏԱՍԽԱՆԱՏՈՒՆԵՐԸ, ԱԿՆԿԱԼՎՈՂ ԱՐԴՅՈՒՆՔՆԵՐԸ

Շարունակել աշխատանքները ՀԱԷԿ-ի 2-րդ էներգաբլոկի շահագործման ժամկետի երկարաձգման ծրագիրը սահմանված ժամկետներում իրականացնելու նպատակով:

10. ՍՏՈՐԱԳՐՈՒԹՅՈՒՆԸ, ԱՄՍԱԹԻՎԸ.

18 ապրիլի 2019թ.